

左
通
補
釋

補釋

一起隱公元年
盡十一年

左通一

錢塘梁履繩學

隋志載賈逵解詁服虔解義各數十卷今俱亡佚杜氏
參用賈服仲達作疏間有稱引恨未覩其全亦如馬融
諸儒之說僅存單文隻義爾唐以後注左氏者代不乏
人唯張洽趙汭最爲明哲大抵詳書法而略紀載近所
行林堯叟本又大半剽襲絕少會心余綜覽諸家旁采
衆籍以廣杜之所未備作補釋三十二卷

宋武公

正義譜

云宋今梁國睢陽縣

宋今河南歸德府商丘縣

顧棟高春秋
大事表五

爲魯夫人

魯今山東兗州府曲阜縣大事表五

隱元公及邾儀父盟于蔑解邾今魯國鄒縣也案晉書地理志鄒縣屬魯郡

蔑姑蔑魯地魯國卞縣南有姑城案杜氏土地名云蔑姑蔑二名魯國卞縣南有姑蔑

城晉志卞縣屬魯郡

邾今為山東兗州府鄒縣後改國號曰鄒古邾城在縣東

南二十六里大事表七之二蔑本姑蔑定十二年敗諸姑蔑是也

隱公名息姑當時史官為之諱猶定公名宋哀廿四年傳

孝惠娶於商不云宋也古人舍故諱新故哀為定諱定不

為隱諱汲郡古文云魯隱公及邾莊公盟于姑蔑魏史不

為魯諱則此為隱諱明矣惠棟春秋左傳補注一括地志云姑蔑故

城在兗州泗水縣東四十五里張守節史記孔姑蔑有二

隱元年公及邾儀父盟于蔑定十二年敗諸姑蔑魯地也
哀十三年彌庸見姑蔑之旗越地也程公說春秋分記疆理書十一

費伯

費氏亦音祕姬姓懿公之孫費伯之食邑也鄭樵通志費氏族略三

在今兗州府魚臺縣西南案縣今屬濟寧州大事表七之一案此與僖

元年季氏之費別又有費滑見成十三年

城郎

郎在今魚臺縣東北九十里大事表七之一

鄭武公娶于申解鄭在滎陽宛陵縣西南案晉志作宛陵申國今南

陽宛縣

鄭舊都咸林見鄭康成詩譜今陝西同州府華州武公遷于潦洧

今河南許州府新鄭縣

案許州府今改州治新鄭縣改屬開封府

大事表五 武公

掘突譙周云名突滑皆非也蓋古史失其名太史公循舊

失而妄記之耳案下文其孫昭公名忽厲公名突豈有孫

與祖同名乎

司馬貞史記鄭系家索隱

申在今河南南陽府南陽縣北

三十里終春秋之世申最爲楚重地

大事表九

申有二莊六年

楚文王伐申小國名文八年自申至于虎牢之竟是鄭地

春秋分記疆理書十一

莊公寤生驚姜氏故名曰寤生遂惡之解寐寤而莊公已生

史記曰武姜生太子寤生生之難夫人弗愛後生少子叔

段段生易夫人愛之子謂如左氏說莊公之生蓋易矣特

以怪異惡之耳

王若虛史記辨惑二

臣照案十六國春秋西燕慕容

號妻晝寢而生子左右以告方寤而起其夫曰此兒易生
似鄭莊公據此則生之易也

又見晉書及魏書史記考證

爲之請制

制有二隱元年制巖邑也鄭地今滎陽縣五年不虞制人

北制也亦鄭地今汜水縣

並屬開封府春秋分記疆理書十一

號叔解東號君也號國今滎陽縣正義賈逵云號叔封西號

仲封東而此云號叔東號君者言所滅之君字叔也桓十年

傳云號仲譜其大夫謂叔之子孫字曰仲也

案莊二十年號叔號公字也

號叔恃制與滎陽相近在號之境內故恃之耳不言其都

在制也

詩檜譜正義

號有四僖五年號仲號叔王季之穆此二

西號也武王克殷封仲于西號封叔在仲國之西故曰二

西虢仲之封今陝州陝縣案今河南陝州又以別于鳳翔之虢故

亦謂之南虢叔之封今鳳翔府虢縣案今陝西鳳翔府寶雞縣以虢在

中國之西又謂之西虢隱元年制巖邑也虢叔死焉東虢

也今鄭州滎陽縣案今河南開封府滎陽縣昭七年齊侯次于虢燕地

也春秋分記疆理書十一

請京解今滎陽京縣

京在今開封府滎陽縣東南三十里大事表七之二京有二隱元

年大叔居于京鄭地也昭二十二年子朝奔京周地也春秋

分記疆理書十一

祭仲解祭仲鄭大夫桓十一年解祭氏仲名祭鄭地陳畱長

垣縣東北有祭城

人但知長垣近衛鄭不能有因不取杜說而括地志遂以

管城之祭爲祭仲邑或又疑爲周祭伯之采地鄭并之以

封仲非也

案程氏驅理書云祭有二是也

祭伯祭仲同見于隱元年至莊

二十三年尚有祭叔來聘鄭安得取以封仲乎列國錯壤

甚多祭仲省畱取道于宋而被執則畱亦錯入宋境矣

見公

羊桓十一年傳

今長垣縣屬直隸大名府南至開封府蘭陽縣九

十里

高士奇春秋地名攷略六

祭仲左傳稱祭仲足蓋祭是邑其人名

仲字仲足故傳云祭封人仲足是也

見桓十一年史記鄭系家索隱

別見駁證

都城過百雉解方丈曰堵三堵曰雉一雉之牆長三丈高一丈侯伯之城方五里徑三百雉故其大都不得過百雉

公羊曰邑無百雉之城雉者何五板而堵五堵而雉百雉而城記曰都城不過百雉

坊記

鄭叔段居京祭仲曰都城過

百雉國之害也鄭伯之城方五里積千五百步大都三國之一則五百步也五百步爲百雉則雉五步也步六尺則五步三丈也書傳曰雉長三丈鄭康成謂雉長三丈則板六尺是連五堵而爲三丈也今夫雉之所處各有分域而飛不過三丈古者所以立雉制蓋取此也毛氏曰一丈爲板五板爲堵鴻鴈傳韓詩傳曰八尺爲板五板爲堵五堵爲雉何休曰堵四十尺雉二百尺皆不可考然板廣二尺而雉高一丈此先儒之所同也

陳祥道禮書四十六

案書無逸傳云古

者百里之國九里之城立或疑焉周禮匠人營國方九里

謂天子之城今大國與之同非也然則大國七里次國五

里小國三里之城爲近可耳或者天子實十二里之城諸

侯大國九里次國七里小國五里

案今大傳鄭注本入多士傳

如是鄭

自兩解不定若周天子十二里則匠人云九里或據異代

法以匠人有夏殷法故也鄭不言異代者以無正文不敢

斥言也鄭又云鄭伯之城方七里大都三之一方七百步

實過百雉矣而云都城不過百雉舉子男小國之大都以

較京城之大其實鄭之大都過百雉矣又是天子城十二

里而言也

周禮春官典命疏

先王之制大都不過參國之一中五之一小九之一

周書作雒云大縣城方王城三之一小縣立城方王城九

之一不舉中者從可知此周公相成王作雒所定之制故

云先王之制

惠氏補注一

無使滋蔓

無使滋蔓服虔曰滋益也蔓延也謂無使其惡益延長也

釋玄應一切經音義二

案服氏賈氏注吳江嚴蔚著古

注輯存搜采最富此惟取合於傳義者錄之其已爲杜所用者亦不錄

國不堪貳

鄭莊公弟共叔段封於京邑請西鄙北鄙貳於己又收貳

以爲己邑公子呂曰國不堪貳謂除君身之外國中不堪

更有副貳之君

禮記坊記正義

至于廩延解鄭邑陳畱酸棗縣北有延津

廩延在今河南開封府延津縣北十五里

案縣今改屬衛輝府石勒

破劉曜途出于此以河冰泮爲神靈之助號靈昌津唐安

祿山渡此破洛陽

大事表九

段入于鄢解今潁川鄢陵縣

僞陵縣屬潁川郡李奇曰六國爲安陵僞縣屬陳畱郡應

劭曰鄭伯克段于鄢是後漢隰縣下無注隰陵縣司馬彪

曰春秋時曰隰劉昭注春秋鄭共叔所保故曰克段于鄢

又成十六年晉敗楚于鄢陵將鄢與鄢陵合爲一地與杜

注兩處皆屬潁川郡者正同東海公亟賞之曰不獨此元

和志鄢陵縣云克段晉楚戰並此地其確指如是若漢鄢

縣今在柘城縣北者

屬河南歸德府

自屬宋地共叔豈有遠保宋

地之理應劭注實誤

閩若璩尚書古文疏證六下

鄢卽鄢陵在今河南

開封府鄢陵縣西南四十里

大事表七之二

鄢有二隱元年鄭伯

克段于鄢鄭地也桓十三年及鄢亂次以濟昭四年遷賴

于鄢楚邑也

春秋分記疆理書十一

大叔出奔其解其國今汲郡其縣

古其城爲今河南衛輝府輝縣治

大事表七之二

詳見閔二年

其衛地下

遂寘姜氏于城穎解鄭地

在今河南許州府

今改州治

臨穎縣西北十五里

大事表七之二

穎考叔爲穎谷封人

水經注穎水出陽城陽乾山之穎谷在今河南府登封縣

大事表

七之二

繫我獨無解繫語助

繫猶是也

詩雄雉箋

大隧之中

徐齊民北征記曰苑陵縣東南有大隧澗鄭莊公所闕

續漢

書郡國志一劉昭注

案苑陵今爲河南新鄭縣

天王

異義天子有壽不

否

易孟京說易有周人五號帝天稱一

也王美稱二也天子壽號三也大君者興盛行異四也大

人者聖人德備五也是天子有壽古周禮說天子無壽同

號於天何壽之有許慎謹案春秋左氏云施於夷狄稱天

子施於諸夏稱天王施於京師稱王知天子非爵稱同古
周禮義鄭駁云案士冠禮云古者生無爵死無諡自周及
漢天子有諡此有爵甚明云無爵失之矣若杜預之義天
子王者之通稱故成公八年天子使召伯來錫公命魯非
夷狄稱天子莊元年冬王使榮叔來錫桓公命魯非京師
而單稱王是無義例

禮記曲禮
下正義

外姻至解姻猶親也

外親者妻族母族是也

周禮地官
大司徒疏

贈死不及尸解尸未葬之通稱

尸柩亦通名也案曾子問云如小斂則子免而從柩此謂
小斂舉尸在爲柩也左氏傳贈死不及尸是呼未葬之柩

爲尸

禮記曲禮
下正義

紀人伐夷解紀國在東莞劇縣夷國在城陽壯武縣

紀今山東青州府壽光縣東南有紀城夷今山東萊州府

卽墨縣西六十里有壯武故城

大事表五

夷有四隱元年紀人

伐夷夷國也莊十六年晉伐夷王畿也閔二年齊人殺哀

姜于夷齊地也僖二十二年楚伐陳取焦夷昭九年遷許

于夷陳地也

春秋分記疆
理書十一

敗宋師於黃解宋邑陳畱外黃縣東有黃城

寰宇記睢州考城縣西三十六里有黃溝

今屬歸德府

西距外

黃城四里卽魯惠公敗宋師處

春秋地名
攷略十

黃有三隱元年

敗宋師于黃宋邑也桓八年黃隨不會黃國也十七年公

會齊紀盟于黃齊地也

春秋分記疆理書十一

及宋人盟于宿解小國東平無鹽縣是也

是字依呂本中春秋集解增

宿今山東泰安府東平州東二十里無鹽城是

大事表五

改葬惠公

賈逵曰改備禮也

李昉等太平御覽禮儀部三十二

太子少

黃楚望曰傳見惠公在時桓公已稱太子

趙訪春秋左氏傳補注一

衛侯解衛國在汲郡朝歌縣

衛今河南衛輝府淇縣東北有朝歌城

大事表五

鄭人以王師號師伐衛南鄙解號西號國也弘農陝縣東南

有號城

河南陝州虢都上陽在州東南顧棟高春秋輿圖虢畿內封國與

王師同趙氏補注一

盟于翼解邾地

翼在今山東沂州府費縣西南九十里大事表翼有二隱

元年盟翼邾地也五年伐翼晉都也春秋分記疆理書十一

祭伯解祭國伯爵也

祭氏姬姓周公第七子所封通志氏族略三祭在今開封府鄭州

東北一十五里春秋地名攷略一

衆父卒解衆父公子益師字

衆氏公子益師衆父孝公子杜預春秋釋例世族譜

二隱公會戎于潛解陳畱濟陽縣東南有戎城潛魯地

戎卽戎州已氏之戎

見哀十七

在今山東曹州府之曹縣與河

南蘭陽縣接界

屬開封府

潛蓋近戎之地當在今兗州府西南

境

大事表三十九

潛有二隱二年公會戎于潛魯地也昭二十七

年吳圍潛三十一年吳侵潛六楚邑也

春秋分記疆理書十一

莒子娶于向解莒國今城陽莒縣是也

是字依呂氏集解增

向小國也

譙國龍亢縣東南有向城

莒舊都介根今山東萊州府膠州西南五里有計斤城春

秋初徙于莒今山東沂州府莒州向今江南鳳陽府懷遠

縣

今屬安徽省

東北四十五里有古向城

大事表五

向又詳駁證

門

司空無駭入極解極附庸小國

穀梁傳曰極國也不書氏者滅同姓貶也蓋極為姬姓國

矣今兗州府魚臺縣西有極亭

案縣今屬濟寧州春秋地名攷略十三

盟于唐解高平方與縣北有武唐亭

案續漢書郡國志注引杜預曰在西南

唐與棠通卽隱公觀魚處今魚臺縣東北十二里

大事表三十九

唐有四隱二年公及戎盟于唐魯地宣十二年楚子使告

唐惠侯唐國也昭元年成王滅唐而封大叔焉唐卽晉國

十二年納北燕伯款于唐燕地也

春秋分記疆理書十一

案昭二

十三年尹辛敗劉師于唐周地也

紀子帛莒子盟于密解子帛裂繻字也密莒邑

裂繻字子帛則爲裂破衣義

考工記弓人疏

密今山東萊州府昌

邑縣東南十五里有密鄉故城疑此時之莒尚都介根

大事

表七
之二
隱二年莒紀盟于密莒地也閔二年莒人歸其仲于

魯及密魯地也春秋分記

三隱
春王二月己巳日有食之解不書朔史失之辛酉歲

案考古圖載晉姜鼎銘曰維王九月博古圖載周仲俛父

鼎銘曰維王五月敬敦銘曰維王十月是每月皆書王也

此惟春三月書王餘月可以例推必兼書王二月王三月

者明商正改爲二月夏正改爲三月也此春秋文外之意

蓋周公舊典則然沈彤春秋左傳小疏姜岌校春秋日食云案後秦

常孝武太元九年天水姜岌造三紀甲子元歷校春秋日食之變見晉書律歷志是歲二月己亥

朔無己巳似失一閏三月己巳朔去交分入食限大衍與

姜岌合案唐開元大衍歷僧一行造今授時歷推之案世祖至元十三年詔許衡等撰新

歷十七年成賜名曰授時歷

是歲三月己巳朔加時在晝去交分二十

六日六千六百三十一入食限

元史歷志二

日食書日書朔朔

日食也書日不書朔朔後食也書朔不書日朔前食也不

書日不書朔陰雨食也陰雨食則國都不見而他處見之

非靈臺所觀測則未知其爲正朔與朔之前後與是以闕

之也若夫夜食之說則非

見穀梁莊十八年傳

日食不占夜猶月食

不占晝是以唐一行作歷上溯往古必使千有餘年日食

必在晝月食必在夜也

李光地榕村集三

案王三月見此年傳

及七年經凡經文此書例不列入惟日食三十七事傳文

間出未便刪存因依年編之以備參攷

君氏卒聲子也

襄公二十六年君夫人氏也蓋當時有此稱然則去其夫人卽爲君氏矣不言子氏者子氏非一故繫之君以爲別猶仲子之繫惠公也若天子之卿則當舉其名不但言氏也

二傳作尹氏 顧炎武日知錄四

王貳于虢解虢西虢公

虢國文王之弟虢仲後也今弘農陝縣是

杜氏世族譜

西虢舊

都在今陝西鳳翔府寶雞縣東五十里後隨平王東遷更

封于上陽今河南陝州東南有上陽城其支庶畱于故都

者爲小虢

見史記秦本紀大事表五

故周鄭交質

周都洛邑王城今河南府洛陽縣城內西偏卽王城故址

周公所營自平王東遷至景王十一世皆居此敬王遷成

周王城廢至赧王復居之

大事表七之一

取溫之麥解溫今河內溫縣

溫在今河南懷慶府溫縣西南三十里

大事表七之一

又取成周之禾解成周洛陽縣也

成周在今河南府洛陽縣城東二十里

大事表七之一

吾子其無廢先君之功

吾子相親之辭吾我也子男子之美稱

儀禮士冠禮注

使公子馮出居于鄭

楚亦有公子馮見宣十四年

孔廣森世族譜補

齊鄭盟于石門尋盧之盟也解石門齊地或曰濟北盧縣故

城西南濟水之門盧齊地今濟北盧縣故城

石門在今山東濟南府長清縣西南盧城在長清縣西南

二十五里

大事表
七之一

案春秋分記疆理書云盧有二隱三

年尋盧之盟齊地也今濟南府長清縣襄十八年圍盧弗
克二十九年高豎以盧叛亦齊地也今東平府陽穀縣然
攷杜氏土地名盧祇一見則無二盧已故大事表以此盧
卽高氏食邑存疑

鄭伯之車僨于濟

濟卽今之大清河在濟南府長清縣界二十五里自平陰

縣

屬秦
安府

流入境又東北入齊河縣

屬濟
南府

界大事表
八上

衛莊公娶於齊正義譜云太公股肱周室成王封之於營丘

今臨淄是也

臨淄以地臨淄水而名故齊城今在山東青州府臨淄縣

城北

大事表
七之一

衛人所爲賦碩人也

春秋隱三年傳曰衛莊公娶于齊東宮得臣之妹曰莊姜
美而無子衛人所爲賦碩人也此卽碩人詩之序也閔二
年傳曰惠公之卽位也少齊人使昭伯烝於宣姜不可強
之生齊子戴公文公宋桓夫人許穆夫人文公爲衛之多
難也先適齊及敗宋桓公逆諸河宵濟衛之遺民男女七
百有三十人益之以其滕之民爲五千人立戴公以廬于
曹許穆夫人賦載馳此卽載馳詩之序也鄭人惡高克使

帥師次于河上久而弗召師潰而歸高克奔陳鄭人爲之
賦清人此卽清人詩之序也文六年傳曰秦伯任好卒以
子車氏之三子奄息仲行鍼虎爲殉皆秦之良也國人哀
之爲之賦黃鳥此卽黃鳥詩之序也尚書古文疏證五下碩人之詩
凡四章左氏以爲衛人爲莊姜美而無子賦也美之說固
詳於次章矣至無子之云以傳義考之未有所見竊嘗反
覆末章而得其說焉夫所謂庶姜孽孽者謂姪娣生子如
木芽之旁出孽孽然也庶士有謁者謂衆子中有謁然健
以武者也言衆妾多子而莊姜之無子見故曰爲其無子
而賦也若所云公子州吁蓋卽士之謁然者其人長而好
兵則其幼必有武健之容矣

又娶于陳解陳今陳國陳縣

陳都宛丘今為河南陳州府治

大事表七之四

其娣戴嬀

仲戴嬀字也

詩燕燕傳

嬀人解嬀親幸也

以邪辟取嬀曰嬀

韋昭國語鄭語注

石碯解衛大夫

衛之公族石氏

王符潛夫論志氏姓

石氏姬姓靖伯之孫石碯有大

功於衛世為衛大夫

通志氏族略三

石碯邑姓書云王父字為氏

非羅泌路史
國名紀五

臣聞嬀子教之以義方

教子以義方注云方道也是方謂性行法術也易繫辭方

猶道也謂教以仁義合宜之道也案禮記經解注云方猶道也引此傳文孝經

聖治章疏

將立州吁乃定之矣解言將立為大子則宜早定

桓公亦非適子故云何焯義門讀書記

隱四公及宋公遇于清解清衛邑濟北東阿縣有清亭案郡國志注引

作清陽亭

清在今山東泰安府東阿縣東北大事表隱四年公及宋

公遇于清衛地也閔二年清人鄭邑也宣十三年赤狄伐

晉及清晉地也亦曰清原成十七年國勝待命于清齊地也

也哀十一年齊國書高無平伐我及清亦齊地也春秋分記疆理

書十

敝邑以賦與陳蔡從解言舉國之賦調蔡今汝南上蔡縣

服虔云賦兵也以田賦出兵故謂之賦正謂以兵從也

詩擊

鼓正義

蔡都上蔡今爲河南汝寧府上蔡縣後遷新蔡今爲

汝寧府新蔡縣昭十一年楚滅蔡十三年平王立復蔡封

于是隱太子之子廬歸于蔡是爲平侯漢地理志新蔡縣

蔡平侯徙此當在此時也

大事表七之四

敗鄭徒兵

兵者人所執因號人亦曰兵左傳曰敗鄭徒兵

詩擊鼓正義

陳桓公方有寵於王

人在而遽稱以諡史記此類甚多左氏僅一處陳桓公方

有寵於王是也

尚書古文疏證二

案此特作者追敘之辭傳文

皆然惟出自彼時人口中僅見

老夫耄矣解八十曰耄

自稱為老夫言已是老夫也

禮記曲禮上正義

八十九十曰耄

耄者僻謬也人或八十而耄或九十而耄故並言二時也

又曲禮上正義

敢卽圖之

敢者怖懼用勢決之辭

儀禮燕禮注

衛人使右宰醜蒞殺州吁于濮

襄十四年右宰穀從而逃歸杜注穀衛大夫則右宰衛之

大夫蓋五大夫之小宰也

春秋分記職官書三

衛人逆公子晉于邾五年解邾國在廣平襄國縣

邾氏侯爵周公之第四子受封於邾通志氏族略二今直隸順德

府邾臺縣大事表五邾有二隱五年邾人伐翼邾國也成二年

申公巫臣為邾大夫晉地也亦曰邾丘春秋分記疆理書十一

隱五公將如棠解今高平方與縣北有武唐亭正義釋例曰舊

說棠魯地云云

唐棠二名唐即棠本宋地也杜預春秋釋例土地名案楚有棠襄

十四年楚子囊師于棠昭二十年棠君尚萊齊並有棠見

襄六年二十五年餘詳隱二年

臧僖伯解公子彊也僖諡也

案世本孝公生僖伯彊彊生哀伯達達生伯氏甌案莊二十八年

正義
作餅
瓶生文仲辰
禮記禮器正義

以數軍實解以數車徒器械及所獲也

案襄二十四年蒐軍實注云兵甲器械與隱公傳數軍實一也至於斬首折馘亦是軍實仍於生執囚俘亦爲軍實是以僖三十二年墮軍實是也

周禮天官獸人疏

案楚語韋注

云軍實戎事也可以包舉矣

皮革齒牙骨角毛羽

皮虎豹皮也所以爲茵韃革犀兕也所以爲甲冑象齒所以爲弭

國語楚語下注

對則齒牙別通而言之牙亦得爲齒故詩

云元龜象齒是牙齒通也

周禮夏官職方氏疏

角所以爲弓弩毛旄

牛尾所以注竿首羽鳥羽所以爲旌

楚語下注

案正義謂毛

羽連文章注得之骨謂之切骨鏃不翦羽謂之志見諸爾
雅李巡曰骨飾兩頭曰弓見釋器疏周語韋注曰象尊以象骨
爲飾也注家不解骨故補之

則公不射

夏官射人云祭祀則贊射牲司弓矢其射牲之弓矢外傳
楚觀射父曰天子禘郊之事必自射其牲諸侯宗廟之事
必自射牛封羊擊豕是也惠氏補注一

曲沃莊伯以鄭人邠人伐翼解曲沃晉別封成師之邑在河
東聞喜縣翼晉舊都在平陽絳邑縣東案郡國志注引杜注
案在縣東八十里

曲沃在山西聞喜縣東二十里

今屬絳州春秋輿圖

晉孝侯號翼

侯翼故城在翼城縣東南三十五里

山西平陽府治

曲沃武公滅

翼以一軍爲晉侯史記云始都晉國晉國卽其始封之曲沃他日號稱宗邑者在今聞喜縣東北去翼都約一百五十里子獻公九年城絳史記云獻公始都絳卽今太平縣南二十五里故晉城是屬平陽府余親歷其地遺址宛然東去翼都約一百里也越七世至景公十五年遷於新田在曲沃縣南二里正有汾水澮水西北去故晉城僅五十里耳

閻若璩潛丘劄記三

王使尹氏武氏助之解尹氏武氏皆周世族大夫也

尹氏少昊之子封於尹城因以爲氏子孫世爲周卿士食

采於尹今汾州有尹吉甫墓卽其地也

通志氏族略三

周平王少

子生而有文在手曰武遂以爲氏

林寶元和姓纂六

翼侯奔隨解隨晉地

晉士會食邑于隨卽此今山西汾州府介休縣東有隨城

春秋地名 隨有二隱五年翼侯奔隨晉地也桓六年楚武

王侵隨隨國也春秋分記疆 餘見僖二十八年

鄭人侵衛牧解牧衛邑

自牧歸黃牧見左氏隱五年鄭侵衛牧當是此地王質詩

牧卽商之牧野在今河南衛輝府汲縣西南二十五里大事

表七

衛人以燕師伐鄭解南燕國今東郡燕縣

南燕衛輝府胙城縣是今省入故胙國也顧祖禹讀史南

燕伯齊十年正義

浪駕

泄駕泄伯泄氏

杜氏世族譜

潛軍軍其後

孫武子凡戰者以正合以奇勝張預曰兩軍相臨先以正兵與之合戰徐發奇兵或擣其前或擊其後以勝之若鄭伯禦燕師以三軍軍其前潛軍軍其後是也

朱鶴齡讀左日鈔一

子議兵篇曰王者不屠城不潛軍不畱衆潛軍之法公羊

所謂詐戰非偏戰也

見昭十七桓十二惠氏補注一

敗燕師于北制解鄭邑今河南成臯縣也一名虎牢

制虎牢亦曰北制今孟州汜水縣

案縣今屬河南開封府春秋分記疆理書五

邲人解東平剛父縣西南有邲鄉

郈氏亦作成伯壽文王第五子郈叔武之所封

通志氏族略二郈

今兗州府寧陽縣東北三十四里有堽城壩卽漢剛縣故

地而郈在其西南蓋益近寧陽矣魯成邑亦以近郈而得

名

春秋地名攷略十三

案剛父晉志作剛平徐鍇說文繫傳郈下

引杜解作剛縣則父字爲衍高氏云晉無剛縣地省入剛

平然攷哀八年闡解亦稱剛縣豈杜氏解傳時尚有剛縣

耶高又云剛父或預時嘗有此稱或傳寫之誤余謂直誤

爾

釋文亦作剛父

將萬焉正義萬羽之異自是公羊之說今杜直云萬舞也則

萬是舞之大名也

萬舞干羽也

詩簡兮箋

萬者其篇名武王以萬人服天下民樂

之故名之云爾

公羊宣八年傳注

案鄭氏注文王世子云干戈

萬舞象武羽籥籥舞象文鄭氏蓋用何說愚攷莊二十八

年傳以萬爲習戎備則爲武舞無疑其萬羽無別者散文

通也

餘詳別見駁證

公問羽數於衆仲

翟羽謂雉之羽也故異義公羊說樂萬舞以鴻羽取其勁

輕一舉千里詩毛說萬以翟羽韓詩說以夷狄大鳥羽謹

案詩云右手秉翟爾雅說翟鳥名雉屬知翟羽舞也

詩簡兮正

義

衆仲衆父子

杜氏世族譜

案許君從毛說爲是今制籥舞

用翟羽陳氏禮書據詩值其鷺羽謂古之羽舞以翟或鷺

愚謂鄭氏注地官舞師羽舞云羽析白羽爲之形如帔蓋

用鷺羽也氏族略云魯公子益師字衆仲亦曰衆父檢元年傳衆父卒據經則爲益師字無疑安得此年復見鄭氏之繆也

夫舞所以節八音而行八風解八風八方之風也

陳氏曰主朔易者坎也故其音革其風廣莫爲果蓏者艮也故其音匏其風融震爲竹故其音竹其風明庶巽爲木故其音木其風清明兌爲金故其音金其風闐闐乾爲玉故其音石其風不周瓦土器也故坤音瓦其風涼蠶火精也故離音絲其風景

王應麟六經天文編下

何謂八風東北曰炎風

艮氣所生
一日融風

東方曰滔風

震氣所生
一日明庶風

東南曰熏風

或作景風巽氣

所生
一日
清明風

南方曰巨風

離氣所生
一日飢風

西南曰淒風

坤氣所生
一日涼風

西方曰颶風

兌氣所生一曰閭闔風

西北曰厲風

乾氣所生一曰不周風

北方

曰寒風

坎氣所生一曰廣莫風呂氏春秋有始覽

案淮南墜形訓亦載此

文惟滔風作條風厲風作麗風

伐宋入其郛解郛郭也

郛郭也郛猶柎也草木華房爲柎在外包裹之也

徐鍇說文郭字

繫傳

君命寡人同恤社稷之難

君命寡君同卹社稷卹者言憂之切至也

說文卹字繫傳

宋人伐鄭圍長葛解潁川長社縣北有長葛城

案水經洧水注引作長葛

鄉

長葛在今河南許州府

今改州治

長葛縣北十二里

大事表七之二

隱六納諸鄂解鄂晉別邑

鄂在今山西平陽府鄉寧縣南姚培謙左傳附注

盟于艾解泰山牟縣東南有艾山

疑地在齊魯之間在今山東沂州府蒙陰縣西北大事表七之一

艾有二隱六年公會齊侯盟于艾齊地也哀二十年吳公

子慶忌出居艾吳地也春秋分記疆理書十一

往歲鄭伯請成于陳陳侯不許

周鄭交惡而陳桓公方有寵於王故不許鄭成義門讀書記

芟夷蒞崇之解蒞積也崇聚也

積之低爲蒞堆之高爲崇說文蒞字繫傳

鄭伯如周始朝桓王也解桓王卽位周鄭交惡至是乃朝故

曰始

鄭既結怨於陳又懼王之將討已也故朝周

義門讀書記

周桓公解周采地扶風雍縣東北有周城

周公封魯召公封燕元子世之其次子亦世守采地在王

官春秋時周公召公是也

詩周南召南譜

且與奭次子名諡書傳

無文平王以西都賜秦則春秋時周公召公別於東都受

采存本周召之名也非復岐周之地晉書地道記云河東

郡垣縣有召亭周則未聞

又正義

案杜氏特據始封言之

東都之周莫詳其地故周城在今陝西鳳翔府岐山縣南

是所謂雍縣之周也考禮記坊記鄭注云君陳蓋周公之

子伯禽弟也疑卽周公次子紀年有周平公卽君陳之諡

守在王官周桓公豈其後與

隱滕侯卒解滕國在沛國公丘縣東南

滕國在山東兗州府滕縣西南十四里

春秋
輿圖

謂之禮經解此言凡例乃周公所制禮經也

春秋即周禮也故韓宣子見易象春秋曰周禮在魯讀左
日鈔

城中丘解中丘在琅邪臨沂縣東北

案郡國志注引作縣東北有中丘亭本土地名

中丘在今山東沂州府東北三十里有中丘亭

大事表
七之一

凡伯解凡伯周卿士凡國伯爵也汲郡共縣東南有凡城釋

文汎城音凡

凡氏周公第二子凡伯之後為周畿內諸侯

通志氏
族略二瞻印

箋引隱七年天王使凡伯來聘自隱七年上距幽王之卒
五十六歲凡國伯爵爲君皆然亦不知其人之同異也但
知板與瞻卬俱是凡伯所作二者必是別人何則板已言
老夫灌灌匪我言耄則不得下及幽王時矣瞻卬之箋引
春秋亦證凡伯爲天子大夫耳此三文皆年月長遠並應
別人故箋不言是也其意不以爲一人矣詩節南山正義河南衛
輝府輝縣西南二十里有凡城讀史方輿紀要一
戎伐之于楚丘以歸解楚丘衛地在濟陰成武縣西南

楚丘在曹縣

山東曹州府

東南四十里本戎州已氏之邑爲衛

之南楚丘

北楚丘在今河南滑縣詳閔二年

凡伯聘魯道過戎境戎因執

之以歸也隋開皇年同時置兩楚丘縣一在漢已氏縣以

戎伐凡伯之楚丘爲名一在漢白馬縣其故城在滑縣東

大事表
三十九

隱八故遇于犬丘解犬丘垂也地有兩名垂衛地濟陰句陽縣

東北有垂亭

垂今山東曹州府曹縣北三十里句陽店是其地大事表
七之二

隱八年宋公衛侯遇于垂衛地也宣八年仲遂卒于垂齊

地也春秋分記疆
理書十一

鄭伯請釋泰山之祀而祀周公以泰山之祊易許田解祊鄭

祀泰山之邑在琅邪費縣東南

泰山在今山東泰安府城北五里史記貨殖傳云其陽則

魯其陰則齊大事表
八上祊今沂州府治費縣治西有古祊城

春秋地名
莊公怒周弗禮與魯易祊許田
史記鄭
世家

虢公忌父始作卿士于周

程啟生曰鄭伯爲左卿士則虢公右卿士也鄭伯奪政之後蓋周公黑肩代之故桓五年伐鄭之役虢公將右軍周

公將左軍

大事表十

陳鍼子解陳大夫

鍼子僖公孫

杜氏世族譜

會于溫盟于瓦屋十一年解溫今溫縣解瓦屋周地

溫在今河南懷慶府溫縣西南三十里

大事表七之一

瓦屋距溫

當不遠或言山東東昌府濮州觀城縣

今改屬曹州府

四十里有

瓦屋城卽三國會處去溫甚遠不可從

春秋地名攷略一

鄭伯以齊人朝王禮也

猶守卿士之舊職

義門讀書記

公及莒人盟于浮來

解浮來紀邑東莞縣北有邳鄉

今山東沂州府蒙陰縣西北有浮來山與莒州接界

大事表七

之二

天子建德因生以賜姓

案孔氏堯典疏曰百官謂之百姓者左傳云天子建德因生以賜姓謂建立有德以爲公卿因其所生之地而賜之以爲其姓令其收斂族親自爲宗主此卽後代宗法之所

由起乎

潛丘劄記二

爲諡因以爲族

正義

以諡爲族者衛齊惡宋戴惡之類

案楚辭云昭屈景楚之三族也昭氏景氏則以諡爲族者

也

通志氏族略序

官有世功則有官族邑亦如之

異義案公羊穀梁說云卿大夫世則權并一姓妨塞賢路經譏尹氏崔氏是也古春秋左氏說卿大夫得世祿不世位父爲大夫死子得食其故采地如有賢才則復父故位許慎謹案易爻位三爲三公食舊德謂食父故祿尚書云世選爾勞論語云興滅國繼絕世詩云凡周之士不顯亦世孟子云文王之治岐也仕者世祿知周世祿也從左氏義鄭氏無駁與許同周制諸侯之大夫有功者亦得世祿故左傳云官有世功則有官族論語云管氏奪伯氏駢邑

三百以無功而奪之若有功則不奪也

案異義詳見詩文王正義

制正義

公命以字為展氏解無駭公子展之孫故為展氏

魯孝公之子曰公子展其子曰公孫夷伯

見僖十五年

其孫則曰

展無駭展禽

通志氏族略序

案唐書宰相世系表三上云魯孝

公子夷伯展以展為夷伯誤矣閻氏作四書釋地三續亦

有此說何也世系表又云無駭生禽魯語韋注云展禽無

駭之後通志並列為孫亦誤

隱九

公會齊侯于防解防魯地在琅邪華縣東南

華字依釋文增

魯有兩防此東防也在今沂州府費縣東北六十里世為

臧氏食邑

大事表七之一

存耕趙氏曰此乃魯之北鄙近於齊者

也程端學春秋本義三

北戎侵鄧

北戎在今直隸永平府境莊三十年齊人伐山戎卽此事

表五

懼其侵軼我也解軼突也

自後過前曰軼

淮南覽冥訓高誘注

十隱盟于鄧解鄧魯地

路史黃帝臣鄧伯溫國與南陽子姓之鄧有別

春秋地名攷略二

鄧當在今兗州府境

大事表七之一

鄧有三隱十年公會齊侯盟

于鄧魯地也桓二年蔡侯鄭伯會于鄧蔡地也九年巴子

請與鄧爲好鄧國也

春秋分記疆理書十一

公會齊侯鄭伯于老桃解老桃宋地

戰國秦策鮑彪注曰任城有桃聚今濟寧城北六十里有

桃鄉城或云卽其地

春秋地名攷略十

公敗宋師于菅解菅宋地

菅無考或曰在單縣北境

案縣屬山東曹州府春秋地名攷略十

鄭師入郕濟陰成武縣東南有郕城

郕有三桓二年取郕大鼎于宋北郕也今單州成武縣僖

二十年郕子來朝南郕也今單州有兩郕城成十三年焚

我箕郕晉地也

春秋分記疆理書十一

北郕爲郕國南郕爲宋邑在

北郕城南二里今山東曹州府城武縣東南二十里有郕

城

大事表七之二

案成十八年宋有城郕與此又別

鄭師入防解高平昌邑縣西南有西防城

此西防也宋防既為魯有欲別于臧氏之防故謂之西防

在今兗州府金鄉縣西北案縣今屬濟寧州大事表七之一

伐戴解戴國今陳畱外黃縣東南有戴城

戴國在今河南歸德府考城縣東南五里考城故城是大事表

表左傳有載國案釋文作載詳見考異風俗通云姬姓後韻作載云

古國路史國名紀五案通志氏族略以戴為周不得姓之國或

又以為子姓者皆未識所據

隱十薛侯解薛魯國薛縣

薛今山東兗州府滕縣南四十里有薛城大事表五薛有二隱

十一年滕薛來朝是國名莊三十一年築臺于薛是魯地

春秋分記疆
理書十一

爭長

服注云爭長先登授玉

儀禮觀禮疏

滕侯曰我周之卜正也

此一段須看得官制見成周盛時諸侯非惟入爲王卿士

而卜正一官亦皆諸侯爲之

呂祖謙春秋左氏傳說一

周諺有之

諺俗之善語

國語越語下注

公會鄭伯于邾解滎陽縣東有釐城鄭地

在今河南開封府祥符縣東四十里

大事表七之二

邾有二隱十

一年會于邾鄭地也亦名時來襄十四年以邾寄衛侯齊

地也

春秋分記疆理書十一

案經作時來杜云邾也襄十四年齊

之邾卽萊也

謀伐許也解許潁川許昌縣

今河南許州府治東三十里故許昌城是

案許州府今改直隸州大事

表五

子都解公孫闕

說文闕遮攤也漢書召信臣傳開通溝瀆起水門提闕顏

師古注云闕所以壅水夏書禹貢滎波旣豬傳云滎澤波

水已成遏豬

遏闕古字通左傳虞闕父漢陳球碑作遏父

正義云言壅遏而爲

豬史記夏本紀作滎播旣都禮記檀弓洿其宮而豬焉鄭

注云豬都也南方謂都爲豬

王引之周秦名字解故上

傳于許釋文傳音附

傳守也

淮南兵略訓注

許莊公

莊公莛人蒞

杜氏世族譜

案春秋無三字爲名者豈莛人是

其字耶

奉許叔解許叔許莊公之弟

許桓公鄭莊公弟也世本無許叔疑鄭卽是

杜氏世族譜

鄭伯使卒出貍行出犬雞以詛射穎考叔者

三物豕犬雞也民不相信則盟詛之君以豕臣以犬民以

雞

詩何人斯傳

鄭伯使卒出貍行出犬雞所得三物並用者時

考叔爲子都所射鄭伯不誅子都而使諸軍詛之百人爲

卒出一豶詛之二十五人爲行或出犬或出雞以詛之每處亦止用一牲非一處而用三物也如此傳君乃得用豕彼百人卽得用豶者於時鄭伯使之詛故得用君牲也以行之人數少於卒自爲等級耳

又正義

佯爲不知而使軍士

詛之

顧炎武左傳杜解補正上

王取鄆劉蔿邾之田于鄭解二邑在河南緱氏縣西南有鄆聚西北有劉亭蔿邾鄭二邑

鄆有二後漢書緱氏有鄆聚卽此也

又見莊二十年

今在偃師縣

河南府屬西南晉司馬彌牟爲鄆大夫

見昭二十八年

在汾州省山西介

休東北

春秋地名攷略一

劉漢志周大夫劉子邑也今在偃師縣

劉子始封爲匡王少子劉康公

見宣十年事表七之一

大蔿東周大

夫子國食邑謂之為國

見莊十六年路史國名紀六

為有二隱十一年

王取為邾之田于鄭鄭地也僖二十七年子玉治兵于為

楚地也邾有三隱十一年王取鄆劉為邾之田于鄭鄭地

也僖二十四年邾晉應韓邾國也哀七年宋伐曹築邑於

邾曹地也

春秋分記疆理書十一

案魯有劉見襄十五年經

原解在沁水縣西

易氏陳樹華春秋經傳集解攷正云郡國志引杜注曰沁水西北有原城水經濟水

一注引作沁水縣西北有原城釋例土地名如是沁字譌也

原今懷慶府濟源縣西北有原鄉

大事表七之一

詳僖廿四年

駁證

絺解在野王縣西南

絺今懷慶府河內縣西三十二里有故絺城

大事表七之一

樊解一名陽樊野王縣西南有陽城

樊今懷慶府濟源縣東南三十里有古陽城東遷後仲山

甫子孫所封莊二十九年樊皮叛王卽此後賜晉晉以予

陽處父爲食邑

大事表七之一

隰郛解在懷縣西南

隰郛今懷慶府城西三十里有期城卽其地

春秋地名一攷略一

名隰城僖二十五年殺太叔于隰城卽此

大事表七之一

欒茅解在脩武縣北

案郡國志注引作縣西北有欒城本土地名

欒茅今懷慶府脩武縣西北二十里有欒城

大事表七之一

向解軹縣西有地名向上

案郡國志注引作縣西北地名向上本土地名

向今懷慶府濟源縣西南有向城詩皇父作都于向卽此

大事表
六之下

盟解今盟津

案釋文盟音孟郡國志河內郡河陽下引杜注曰縣南孟津本土地名

孔疏於泰誓序云孟者河北地名春秋所謂向盟是也盟古通作孟其地本在河北閻百詩曰孟津之漸譌而南也自東漢始考更始二年使朱鮪等屯洛陽光武亦令馮異守孟津以拒之是時孟津猶在北安帝永初五年羌入寇河東至河內百姓驚奔南渡河使朱寵將五營士屯孟津靈帝中平六年何進謀誅宦官使丁原燒孟津火照城中城中者洛陽城中也則已移其名於河之南猶蒲津關在蒲州臨晉關在朝邑而史記正義於漢王出臨晉關下云卽蒲津關在臨晉縣唐臨晉屬蒲州是移河西之關名於

河東也黎陽津在濬縣白馬津在滑縣而通典於黎陽下
曰有白馬津則又移河南之津名於河北大抵歷代浸久
土俗傳譌類如此也渭案延津在延津縣北而唐志新鄉
縣有延津關棘津在胙城縣北而寰宇記云在汲縣南七
里此皆移河南之津名於河北與前事相類杜預云河陽
縣南孟津確不可易又曰在洛陽城北者並見禹貢正義謂其地
南直洛城居天下之中欲明都道所湊故舉以爲言非謂
在河之南也胡渭禹貢錐指十三中之上盟今懷慶府孟縣西南三十
里有古河陽城後歸晉謂之河陽見傳二十八大事表七之一

州解今州縣

州今懷慶府東南五十里後屬晉見昭三年七年大事表七之一州有

二隱十一年向盟州陘王畿也桓十一年隨絞州蓼伐楚

師州國也春秋分記疆理書十一

陘解闕

太行陘在懷慶府西北三十里連山中斷曰陘太行首始

河內北至幽州中有八陘此其一也案一輒關陘二即太行陘三白陘四滄口

陘五井陘六飛狐陘七蒲陰陘八軍都陘詳見禹貢錐指十一上陘有三隱十

一年蘇忿生之田有陘是周地僖四年師進次于陘是楚

地定十四年闔廬卒于陘是吳地春秋分記疆理書十一

陘解在脩武縣北

周隤城在懷慶府脩武縣西北春秋輿圖

懷解今懷縣

懷今懷慶府武陟縣西南十一里有懷城後屬晉宣六年

赤狄伐晉圍懷卽此

大事表七之一

息解息國汝南新息縣

息今河南光州息縣莊十四年爲楚所滅爲息邑

大事表五

使營菟裘解魯邑在泰山梁父縣南

錢塘張雲璈曰今山東泰安府泰安縣東南九十里近梁

父有菟裘城

張丈於乾隆己酉秋由泰安至爲余言春秋古跡在縣境者十餘事因采錄之

反譖公于桓公

如其事曰訴加誣曰譖公羊注元廣雅譖毀也亦讒也一

云旁入曰譖

一切經音義

與鄭人戰于平壤解狐壤鄭地

狐壤後漢志潁川郡潁陰縣有狐宗鄉疑卽此在今河南

許州西

日講春秋解義四

而禱於其主鍾巫

鍾者地名也巫者事鬼神禱解以治病請福者也

公羊隱四年傳

注

補釋一